




武縣志卷之


圖志


地之有圖何也圖者像也立象以盡意也邑之有
圖郭也山川也土物與形勢也必窮攀躋侈游覽
始悉其狀亦極跬步之勞矣若不待經其地而城
郭鞏固山川起伏及形勢土物之融結繁盛無不
粲然在目則圖固經野體國辨方正位者之所必
出也故弁之

























夢
法
無
恙
泰
亨
如
秋
色
臨
如
戲
子
堤

摘
濟
南
生
句

沿革志

自秦罷侯而尉襄宇瓜分割綴截補代有不同故沿革不可不考也陽武舊博浪地秦以前不可詳至漢見於列傳大率立邑自漢始他郡縣或省或復罷置不恒維陽武歷千餘年未有易者其墟里區落不能不隨縣而時有變更此以見三代不同禮六代不同樂世運乘除之大凡也志沿革

陽武古地名禹貢屬豫州春秋屬鄭戰國屬魏秦屬三川郡漢始置縣屬河南郡東漢屬河南尹三國

屬魏河南郡晉屬滎陽郡後魏屬東弘農郡東魏
隸廣武郡北齊因之後周屬鄭州隋屬滎陽郡唐
隸鄭州五代梁屬開封府唐屬汴州宣武軍晉屬
開封府漢及周宋皆因之金貞祐三年置延州縣
省入州元廢延州復置縣屬汴梁路明屬開封府
國朝仍因之邑名陽武以負行瞻河山南水北曰陽自
古用武之地曰武邑編戶遠不可考明初爲五十
一里後爲四十五保其後又併爲二十八保曰明

倫保宣化保辛店保川村保馬村保龐村保谷倫

保大賓保黑石保獻功保齊亦保各石保東趙保
西趙保東隅保西隅保西查保東正保西正保東
智保中正保中岳保五柳保洋山保文寧保梁元
保沙河保鄭村保保有長曰老人統十甲甲有催
曰十季輪流支膺週而復始以應征比然行之既
久諸弊叢生任事有專責則需索易花戶無定所
則催督難故每當一役視爲苦海富者動費百金
貧者鬻產難償矣乾隆五年知縣宋維孜奉 憲
檄二十八保改爲二十八地方挨里順庄遵用滾

單不事敲朴而輸納恐後上不病官下不累民誠
萬世不易之良法也闔邑士民鼓舞勒石

碑在縣治前

以垂永久

天文志

周禮保章氏以星土辨九州之地凡所封域皆有
星分以兆妖祥蓋星土者星所主之土也或云最
爾彈丸未必上應星垣然何以善測者寸析綵緯
休咎不爽蓋三光者陰陽之精氣既在天而成象
必於照臨之地無微不攝在昔天狗過大梁七國

叛逆伏尸流血可見天文之纖悉必貫明矣志天文

分野

分野當豫之域得房心之次前漢地理志云宋得房心鄭與韓同角亢氏史記天官書註星亢氏房心宋之分野蓋以開封西自新鄭南抵汝陽北距大河東接睢陽其境皆鄭宋分野邑隸開封分野自屬房心云